

Ик гүүнд бургудсн 17 ормас нефть гарчана

БАКУ, январин 6. (ТАСС).
Песчаный гилг арл шидрк
районд өөдән чинртә тенъгсин
нефть бääх шин-шин газрмуд
нефтяникүд олдж авад йовна.

Январин 4-д „Орджоникид-
зенефтин“ арви дөрвдгч про-
мыслин коллектив гүүндән
2.650 метр шин скважин кө-
длмшт орулв, түүнәснь өөд-
ән чинртә нефть хадж гарв.

Давсн джилд эн шин про-
мыслин коллектив Көк тенъ-
гсин шидрт олн-зүсн чинртә

ик нефть гардг газрмудиг
олдж авч, эдлхин кергт ик
көдлмш кев. Тиигад чигн,
Зурагъас даву кесг минъгън
тонн нефть орн-нутгтан өггдв.
Нефть гаргъдж авлгъиг өөд-
лүлдж, зурагъан болзгаснь
өмн күцәхәр промысловикүд
шин джилин тūrүн өдрмүдәс
авн шундж ноолддж йовна.
Ода промыслд 17 ик гидг гүн
скважинәс нефть хадж гарча-
на. Өдр болгън үүнд зура-
гъасн давулдж арвагъад тонн
нефть гаргъдж авгдан.